

藥盒醫學叢書

之十一

婦

科

大

略

中華民國三十年七月初版

藥劑醫學叢書之十一

婦科大略 一冊

實價國幣貳元貳角 外埠酌加寄費

著者 武進 惲鐵樵

參校者 江陰 章巨膺


發行者 章巨膺
上海牯嶺路八安里十四號

寄售處 上海 三馬路 千頃堂

上海 麥家圈 中醫書局

承印處 大方印務局
上海卡德路一五三弄四號

版權所有



翻印必究

武進惲鐵樵遺著

藥盒醫學叢書全目

- | | |
|------|----------|
| 第一種 | 羣經見智錄 |
| 第二種 | 傷寒研究 |
| 第三種 | 傷寒輯義按 |
| 第四種 | 溫病明理 |
| 第五種 | 脈學發微 |
| 第六種 | 保赤新書 |
| 第七種 | 生理新語 |
| 第八種 | 藥盒醫案 |
| 第九種 | 十二經穴病候撮要 |
| 第十種 | 風勞瘵病論 |
| 第十一種 | 婦科大略 |
| 第十二種 | 臨證演講錄 |
| 第十三種 | 鐵樵雜著 |

以上各種已出版發行

受業江陰章巨膺經理印行

上海牯嶺路人安里十四號

- | | |
|-------|---------|
| 第十四種 | 神經系病理治要 |
| 第十五種 | 藥物學 |
| 第十六種 | 臨證筆記 |
| 第十七種 | 醫學入門 |
| 第十八種 | 熱病學 |
| 第十九種 | 病理各論 |
| 第二十種 | 病理概要 |
| 第二十一種 | 金匱方論 |
| 第二十二種 | 金匱翼方選按 |
| 第二十三種 | 霍亂新論 |
| 第二十四種 | 驗方新按 |
| 第二十五種 | 梅瘡見垣錄 |

以上各種將陸續印行

藥盒醫學叢書之十一

婦科大略目次

緒論

經候總論

治經選方

帶下總論

治帶選方

崩漏總論

治崩選方

婦科雜病

雜病選方

一

五

十

十五

十七

二〇

二四

二七

三四

藥盒醫學叢書之十一

婦科大略

武進惲鐵樵著

受業江陰章巨膺參校

緒論

讀吾書者。知吾所著書。重疾病之形能。生理之形能。雖未可云精深。蓋具有綱要矣。古人有言。苟知其要。一言而終。不知其要。其道無窮。夫云一言而終。原不免失之太簡。吾書處處從根本解決。讀者於病理有所領會。自不難執簡御繁。所當注意者。經驗效方耳。婦人科鄙人所知者不多。故學理方面。僅就婦人特有之病。言其大略。其疾病生理之形能。已散見所著各書。不暇多詳。可以隅反。故本編所述。多列效方。

我國醫籍。說理多不明瞭。晉以前文太古而書有殘缺。晉以後語既膚淺。頭腦

復顛預。兒科、婦科、現存者無宋以前書籍。故病理無可言者。而婦科尤甚。良以婦人多隱曲。又向無生理解剖。乃益無學理可言。是故千金方中。大都有方無說。金元以後。無不簡略。傅青主在明末享盛名。陸九芝特採其女科兩卷入世補齋醫書之中。以爲女科善本。無逾此者。今觀其書。全無學理。則此科一向晦盲否塞。甚於其他各科。不待言矣。今茲所言。仍略參西說。證之經驗。較之他科。雖較簡略。本吾之說。以讀古書。則少疑義。以臨床診病。則不啻讀書。原非謂卽此可以自劃也。

婦科所以特異者。全在生殖。觀閹宦之爲中性。則知生殖器既異。全體生理悉異。又觀童稚。男女之差別甚微。則可推知男女之所以異者。不在藏府。而在腺體。又觀男女生殖腺發育成熟者。則男子有精。女子有月事。其未成熟者則否。乃知內經所謂天癸。卽指生殖腺。所謂天癸至。卽是指此腺之成熟。

在西國生理家言月事者爲子宮與輸卵管所流之黏液與血液。乃因下腹骨盤腔有交感神經節。以調節血行。而血之循環運行在生殖器血管中。因紫血迴流較遲於赤血輸送之故。常有積餘。故至一定時期。而使血管充血。致行經之期。則子宮黏膜變厚而軟。子宮腺腫大。此時血管中紫血之迴流愈較赤血之輸送爲遲。致子宮黏膜表面毛細管充血亦愈甚。赤血球乃從管壁滲漏而出。因有神經司調節之故。子宮腺乃愈增分泌之作用。而生過多之黏液。此黏液與血液相合。乃月經也。居溫帶之人。大多數十四歲而有月事。行經之期。大多數以二十八日。至何故必十四歲。何故必二十八日。西人未有定論。今根據內經之意。謂生殖腺成熟而後有月經。乃至真確之事實也。

女子天癸至。月事下。則兩乳發育。孕則乳黑。產則經阻滯流。此生殖腺與乳腺關係之顯然可見者。患狐臭者。腋下腺分泌物爲之也。患口臭者。唾腺分泌物

爲之也。此兩種病。童年恆不甚顯著。迨男至二八。女至二七。則此兩種病乃與天癸俱來。此生殖腺與腋下腺唾腺關係之顯著者。音帶發音。與喉頭扁桃腺有密切關係。無論男女。天癸既至。喉音輒寬。而童伶之倒倉者。恆由於未至青春期而斲喪太早。此生殖腺與喉頭扁桃腺關係之顯著者。瘰癧。西人所謂七腺病者也。初起時項下起核三五枚。相連如貫珠。潰則不易收拾。千金謂之螻蛄漏。其地位乃甲狀腺及其旁小腺爲病。凡患此者。其病初起卽不月。是生殖腺與甲狀腺關係之顯著者。肝藏爲純粹腺體。肝氣條達者。月事以時下。肝鬱者。經行不調。肝氣橫逆而病者。多不下。男子肝鬱甚深者。亦往往患陽痿。此肝藏與生殖腺關係之顯著者。故吾謂全身各腺。皆有連帶關係。觀其此崩彼應。直是一個系統。特其中細微曲折。尙未大明耳。

女子之與男子異者在生殖。病之無關生殖者與男子同治。病之關係生殖者

與男子異治。然則所謂婦科者。界說不煩言而可定也。生殖之種種病症。其主
要在月經。月經之來原。其主要爲生殖腺。而就形能言之。徧身各腺體之交互
關係。彰彰可見。則謂之一個系統。亦不爲過。諸腺以肝爲最大。是肝藏者。腺體
之主腦也。肝又爲藏血之藏。徧身血液供求不相應時。賴其所藏。以資調節。是
不但就腺體言。肝與月事有關。卽就血液言。亦與月事有關。又靈樞素問皆言
衝脈爲諸經之海。藏血最多。靈樞則謂衝脈起於胞中。凡衝氣上逆之病。女子
所恆有者。逆則月事不行而頭痛。而衝氣上逆之證。類皆上盛下虛。榮氣少而
肝王。是生殖腺、子宮、月經、血海、衝脈、胞、肝藏、種種名目雖異。匯諸說而觀之。其
理皆通也。因此之故。所以婦科治病。以肝爲主。吾始見婦科調經。皆主疏肝。而
無有說明其理者。徵之實驗。又確有肝病見證。投以疏肝之藥。亦有特效。而其
理難明。詢之老於醫者。僅言女子善懷。女子多鬱。故當治肝。鄙意以爲此其說

不圓滿。沈金鰲婦科玉尺序文。竟謂女子以身事人。性多躁。以色悅人。性偏妒。此其說之不通無價值。更不待言。必如吾說。然後可以渙然無疑義也。此義既明。婦科治法。觸處可以迎刃而解。茲爲學者便利起見。博采諸家學說。以王宇泰證治準繩爲藍本。上至千金方。巢氏病源。下至盛清諸家。加以剪裁。間附鄙說。期於簡要。有當實用。又吾所爲。頗自具鍾爐。學者勿以鈔胥等閒視之。則於此道當收事半功倍之效。本編所輯。起調經。迄產後。其傷寒溫病雜病與男子同治者。皆不贅述。

證治準繩女科序文云。孫真人著千金方。特以婦人爲首。蓋易基乾坤。詩首關雎之義。其說曰。『特須教子女學習此三卷婦人方。令其精曉。卽於倉猝之秋。何憂畏也。』而精於醫者。未之深許也。唐大中初。白敏中守成都。其家有因免乳死者。訪問名醫。得晷殷備集驗方三百七十八首以獻。是爲產寶。宋時濮陽

李師聖得產論二十一篇。有說無方。醫學教授郭稽中以方附焉。而陳無擇於三因方評其得失確矣。婺醫杜牧又附益之。是爲產育寶慶集。臨川陳自明良甫。以爲諸綱領散漫而無統。節目闕略而未備。醫者局於簡易。不能深求徧覽。有纔進一方不效。輒束手者。有無方可據。揣摩臆度者。乃采摭諸家之善。附以家傳驗方。編輯成篇。凡八門。門數十體。綜二百六十餘論。論後列方。綱領節目。燦然可觀。是爲大全良方。良方出而閨閫之調將大備矣。然其論多采巢氏病源。什九歸諸風冷。藥偏獷熱。未有條分縷析其宜否者。近代薛己新甫。始取良方增註。其立論酌寒熱之中。大抵依於養脾胃。補氣血。不以去病爲事。可謂救時之良醫也已。第陳氏所輯。多上古專科禁方。具有源流本末。不可昧也。而薛氏一切以己意芟除變亂。使古方自此湮沒。余重惜之。故於是編。務存陳氏之舊。而刪其偏駁者。然亦存十之六七而已。至於薛氏之說。則盡收之。取其養正

爲主。且簡而易守。雖子女學習無難也。云云。王氏此序。於女科各書粗具源委。其所論列。皆學者所當知。故備錄之。至其理論。揆之學理。實多未妥。試申吾意。供後來之探討。凡爲名高者。爲個人之私言。爲明理者。爲天下之公言。吾說不必便是。而用意則公而非私。學者本吾意以治醫。於古書當知所別擇。而似是而非之曲說。不能淆聽聞也。王氏於千金方。而曰精於醫者未之深許。又云陳氏所輯。多上古專科禁方。具有源流本末。而不可昧。夫真正之上古專科禁方。胥在千金方中。若真知源流本末。不可昧。豈有精於醫而敢薄千金之人。特千金方頗不易用。淺人而用大方。猶之稚子而持利斧。此吾治自己之病。躬自嘗試而知之。然則彼薄千金者。乃自身之醫術未精耳。其於薛氏。多其養脾胃補氣血。而云立論酌寒熱之中。此說大可商榷。丹溪東垣。醫非不精。而中國醫術之退化。實由於朱李之學盛行所致。東國當明萬歷間。有留學我國。得丹溪學

說以歸者。用之百年而吉益東洞出。悉反時師所爲。以仲景之學爲主。於是彼邦學者。靡然風從。謂前此醫界奄奄無生氣。皆滋補之說爲之厲也。據此。則養脾胃補氣血之無益於醫。灼然可見。又序文有云。「不以去病爲事。可謂救時之良醫。」此言尤屬無理。試問旣爲醫生。不事去病。將以何者爲事。養脾胃補氣血。不事去病。得毋以斂錢爲事乎。去病之藥。施之不當。壞象立見。滋補之藥。能殺人而不任咎。苟不能灼知病理。則去病之藥不能用也。千金方之可貴。亦卽在此。王氏非之。真能讀書者。不當如此。

經候總論

準繩云。衝爲血海。任爲胞胎。二脈流通。經血漸盈。應時而下。常以三旬一見。以象月盈則虧。若遇經行。最宜謹慎。否則與產後相類。若被驚恐勞役。則血氣錯亂。經脈不行。多致勞瘵等疾。若逆於頭面肢體之間。則重痛不寧。若怒氣傷肝。則頭暈脅痛。嘔血而瘰癧癰瘍。若經血內滲。則經行淋瀝無已。薛氏云。血者水穀之精氣也。和調五藏。洒陳六府。在男子則化爲精。在婦人上爲乳汁。下爲血海。故雖心主血。肝藏血。亦皆統攝於脾。補脾和胃。血自生矣。凡經行之際。禁用苦寒辛散之藥。

鐵樵按。脾亦腺體。倘吾說而信。全體之腺皆一個系統。宜乎肝脾有連帶關係。卽肝與脾皆與經有密切關係。其統血之說。當是任脈。

調經

經黑

經不調色黑 川芎當歸白芍生地黃芩黃連爲末。醋糊丸服。

鐵樵按。原文云。四物四兩。芩連各一兩。此方分量殊妄未當。川芎性上行。通常用。當當歸四之一。川連多服。則苦寒化火。祇能當當歸十之一。卽當歸一兩。川芎當二錢半。川連當一錢也。若舉陷或安胎。川芎不妨略多。川連總不宜多。

經黑渴倦氣短色黑脈不勻似數 赤芍五錢香附五錢黃檗三錢炒黃芩三

錢甘草二錢爲末。醋丸。白湯下五六十九。

經阻二月忽行小腹痛有血塊色紫 白芍五錢白朮五錢陳皮五錢黃芩二

錢川芎二錢木通二錢甘草少許

經或前或後色紫口苦兩腿外廉麻木。有時痒。生瘡。大便閉。 麻仁二兩桃仁

二兩芍藥二兩枳壳五錢白朮五錢歸尾五錢威靈仙五錢訶子肉五錢生

地黃五錢。陳皮五錢。大黃七錢。研末。粥丸。梧子大。白湯下五六十丸。

鐵樵按。以上皆言經黑者。採自朱丹溪醫案。朱云。血爲氣之配。氣凝則凝。氣滯則滯。往往見有成塊者。氣之凝也。將行而痛者。氣之滯也。來後作痛者。氣血俱虛也。色淡者。亦虛。而有水混之也。錯經妄行者。氣之亂也。紫者。氣之熱也。黑者。熱之甚也。今人但見紫者。黑者。作痛者。成塊者。率指爲風冷。而行溫熱之劑。則禍不旋踵矣。病源良由論月水諸病。皆由風冷乘之。宜其相習而成俗也。（此下有黑爲北方水熱甚則兼水化等語。甚爲無謂。刪去不錄。又丹溪亦有婦人性執見鄙等語。均從刪）

王肯堂於此節加註云。「冷證外邪初感。入經必痛。或不痛者。久則鬱而變熱矣。且寒則凝。旣行而紫黑。故非寒也。」此說較勝。然寒熱虛實。要自有種種證據。何得作如此臆度語。經之顏色。僅憑病者自述。據其所述。以辨寒熱。寧足爲

訓。黑與淡與紅。自是不同。不可不問。却不能僅據此一節。以定用藥方針也。所謂證據者。卽吾人平日所探討之醫理。例如月經不調。病緣於肝。肝氣條達。則胃健而意志發舒。自無月經不調之患。若肝鬱。則胃納減。而月事不以時下矣。所謂條達者。謂肝氣能下行也。肝氣下行。不但胃健。大便亦以時行。而頭目清楚。所以鬱者。謂上逆也。肝氣上逆。不但胃家消化不良。大便且苦燥結。而頭目則眩暈昏眊。而脈則弦。更辨之於面色。辨之於舌色。灼然可見。有人於此。經不調色黑。假使脈弦。頭眩。目眊。便閉。消化不良。則可以斷定是因肝鬱之故。然尙未可以斷定然也。其人體瘠而精神王。則爲火重陰虛之體質。經所謂能冬不能夏者。黑爲瘀。瘀者當通。陰虛火重之人。自當於通藥之中。兼用涼藥。若其人雖因肝鬱。而別有寒因。如本不腹痛。當經行之頃。引冷。如多食瓜藕梨橘之類。遂腹痛而經紫黑。此其人本因火重。平素引冷。已成習慣。值經行時。不能自禁。